



Universitätsbibliothek Paderborn

**Exempla, In Septem Capitalivm Vitiorvm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

§. 6. Magistratus non irascentis culpa.

[urn:nbn:de:hbz:466:1-49161](https://nbn-resolving.de/urn:nbn:de:hbz:466:1-49161)

dum, iuxta iudicium rationis, est vitiosus,
etiam defectus passionis iræ fiat vitiosus. De-
ficit ergo ira hæc & passionis, & rationis, in
parentibus, qui filios peccantes non plectunt;
cum ijsdem ipsi à summo iudice plectendi.
Et, licet *Comicae lenitatis hi patres, tragica aspi-*
ritatis illi sint, neutrīque laudandi, efficit
tamen plerumque lenitas, quām asperitas fi-
lios deteriores. Quibus parcere, est eos oc-
cidere. Vixissent longè diutiūs filij sacerdo-
tis Heli, si eos parens castigasset: lenitate
sua & ipse mortem incurrit, & filijs vitam
accidit, clemens homicida.

VI.
MAGI-
STRATVS
NON IRAS-
CENTIS
CVLPA.
Cælius
l, 26. c. 27.

Neque aliorum indulgentiâ corrupti, in
eorū laudes eunt, à quibus corrigi eos opor-
teret. Ut enim Diogenes Cynicus, cùm esset
conspicatus indecenter voracem puerum, pa-
dagogo plagam incussit, inferens: *Vt quidita*
imbuis? ita iram quoque Numinis experien-
tur, qui, quando officiū exigit, non irascun-
tur. Sunt autem in hoc numero, non Pa-
dagogi tantū & Magistri, qui sibi concre-
ditos clientes discipulosque vino madidos,
sine indignatione, aspiciunt; & non raro ipsi,
ut profundiūs immergantur, propinan-
t, docent, non orare, sed potare, ut
discipulos habeant ebrietatis; non, inquam,

in

in hoc numero hi tantum sunt; sed alti etiā Magistratus, Principes, Reges, Imperatores. Celebrabatur aliquando Charillus, ibi Archidamas subiunxit: *Quinam hic bonus sit, qui nec improbis est acerbus?* Magistratum, Principem, Regem, Imperatorem, fulmini illi similem esse decet, quod mollia non lædit, dura conterit: ita enim & illi amabiles esse debent probis, improbis seueri; quia illi suauitate, isti metu reguntur. Improbus, qui non timet, quiduis audet. Princeps ergo, qui non potest irasci, qui bile caret, qui columba sine felle, agnus sine dente vocatur, quia non metuitur, meritò ipse metuere debet iram Dei omnipotentis. Est enim caussa maximorum in Repub. malorum. Nulla sub eo justitia, nulla securitas; sed perfidiæ, proditiones, libidines, & omnis iniquitatis ac impunitatis machinationes, sub eo, vigent. Venduntur iudicia, emuntur sententiæ, proscribuntur leges; & pecunia ab hoste donata æquè est chara, ac si à Principe proprio venisset. Quid enim? aiunt, si fraus succedit, opes crescent: si deprehendor, non periclitator, Princeps enim meus, spongia mollior est, nequit irasci; quid igitur obstat, quò minus illius caussam pronunciem esse iustiore,

cuius

Plutarcha
de discer-
nendis
adulato-
ribus.

cuius manū in me experior largiorem? Promittit hostis grandia; maiora sunt munera, quam stipendia; illi seruio, à quo plus accipio. Nihil mihi est timendum, sub magistratu non irascente; vigilet ergo audacia, iustitia dormiente. Facere jubet mala, qui non punit. Qui tolerat adulteria, est in alieno crimine adulter. Qui dissimulat malum, facit malum. Ita etiam alioqui bonus princeps, castus rex, & integritatis amans magistratus, caussa est omnium, in ciuitate, provinciā, regnoué, malorum, si nunquam irascitur. Quibus proin meritò dici potest: *Irascimini, & nolite peccare*: nam & sine peccato irasci, &, ni, cum res exigit, irascamini, peccare potestis. Hæc ira, non est contra charitatem, sed ad charitatem originem suam refert. Immo odit, qui non punit. Quod enim de filijs, id & de alijs subditis dici intelligi debet. De filijs autem dicitur: *Qui parcit vögæ, odit filium suum*: qui autem diligit illum, instanter erudit. Quantum autem oderit, è D.

Prou. 13.

24.

S. Chrys. Chrysostomo accipe: *Hos ergo patres, ait, quod nemo tamen me commotiùs dicere, quam universi vituperatores vites mon.* lib. 3. ad- riūs existimet, parricidis ipsis immaniores sceleratoresq; dixerim. Illi enim corpus ab anima dif- separant; isti & animam, & corpus aeternus igni-

bus tradunt. Atque is quidem, qui corpore occiditur necessario naturali lege; etiam si necatus non fuisset, moreretur: hic vero sempiternam mortem vitare potuisset, nisi hanc illi consciuisse paterna negligentia. Præterea corporis mortem superneniens protinus resurrectionis gloria delere poterit facillime, anima vero interitum nihil solnere poterit, cum sibi nulla tum sit reliqua salutis spes, verum immortales cruciatus luere cogatur. Itaque non iniuria parentes (& magistratus) eiuscmodi deteriores parricidis esse diximus. Hac decatissa Sapiens ait: *Tu virga persecutes eum,* Prou. 23.
14.

& animam eius de inferno liberabis.

Quod de Concionatoribus ipsis occini potest. Nam si Cynicorum vertex Diogenes sapienter putatur locutus, quando, auditis Platonis laudibus, dixit: *Quid vero habet ille præclari, qui tam diu Philosophiam professus, nemini acerbis fuit?* quid ad Concionatores dicet judex Deus, qui floribus tantum verborum student? qui mulcere aures, non corrigerè mores populi volunt? qui iucunda, non utilia proferunt? qui semper auditores laudant, nunquam emendant; Encomiastæ, non Ecclesiastæ? qui, ut ipsi nunquam sunt in dicendo vehementes, ita neque alios unquam commouent vehementer? vitijs plac-

VII.
CONCIO
NATORVM
NON
IRASCEN-
TIVM
CVLPA.
Plutarch;
de virt.
moralis.